

PRIJEDLOG

Na osnovu člana 35. stav 2. Zakona o poljoprivrednom zemljištu ("Službeni glasnik Republike Srpske", broj: 93/06, 86/07, 14/10, 5/12, 58/19 i 119/21), člana 39 i 82. stav 2. Zakona o lokalnoj samoupravi (Službeni glasnik Republike Srpske", broj: 97/16, 36/19 i 61/21), člana 35. Statuta Grada Doboj („Službeni glasnik Grad Doboj“, broj : 1/17) i člana 128. Poslovnika o radu Skupštine Grada Doboj („Službeni glasnik Grad Doboj“, broj : 1/17), Skupština Grada Doboj na sjednici održanoj dana _____ 2022. godine, d o n i j e l a j e

ODLUKU

- o dopuni Programa korištenja sredstava od naknada za promjenu poljoprivrednog zemljišta u nepoljoprivredne svrhe na području grada Doboja za 2022. godinu

Član 1.

Ovom Odlukom vrši se dopuna Programa korištenja sredstava od naknada za promjenu poljoprivrednog zemljišta u nepoljoprivredne svrhe na području grada Doboja za 2022. godinu. (Zaključak broj: 01-013-77/22 od 09.02.2022. godine, „Službeni glasnik Grad Doboj“, broj : 2/22)

Član 2.

Program iz člana 1. ove Odluke, dopunjava se na način, da odjeljak „Namjena i način korištenja sredstava od naknada za pretvaranje poljoprivrednog zemljišta u nepoljoprivredne svrhe“, se dopunjava i glasi :

„ U toku 2021. godine, po osnovu naknade za korištenje poljoprivrednog zemljišta u nepoljoprivredne svrhe, prikupljeno je ukupno 82.069,05 KM , od kojih Gradu Doboj pripada oko 57.448,33 KM. Sredstva prikupljena po osnovu naknade za korištenje poljoprivrednog zemljišta u nepoljoprivredne svrhe u toku 2020. godine, nisu realizovana u potpunosti kako je to definisano Programom za 2021. godinu, te će preostali dio sredstava u iznosu od 180.281,00 KM, biti iskorištena za finansiranje realizacije planiranih programskih aktivnosti u tekućoj godini.“

Član 3.

Ostali dijelovi Programa iz tačke 1. ove Odluke ostaju nepromjenjeni.

Član 4.

Sastavni dio ove Odluke čini Program korištenja sredstava od naknada za promjenu poljoprivrednog zemljišta u nepoljoprivredne svrhe na području grada Doboja za 2022. godinu.

Član 5.

Ova Odluka stupa na snagu osmog dana od dana objavljivanja, a objavit će se u „Službenom glasniku Grada Doboja“ .

REPUBLIKA SRPSKA SKUPŠTINA GRADA DOBOJ

Broj:01-013-_____/22
Doboj: _____2022. godine

**PREDSJEDNIK
SKUPŠTINE GRADA
doc. dr. Sevlid Hurtić**

OBRAZLOŽENJE

Pravni osnov za donošenje ove Odluke je član 35. stav 2. Zakona o poljoprivrednom zemljištu („Službeni glasnik Republike Srpske“ , broj: 93/06, 86/07, 14 /10, 5/12, 58/ 19 i 119/21), član 39 i 82. stav 2. Zakona o lokalnoj samoupravi („Službeni glasnik Republike Srpske“, broj: 97/16 i 36/19), član 35 . Statuta Grada Doboj („Službeni glasnik Grad Doboj“, broj : 1/17) i član 128. Poslovnika o radu Skupštine Grada Doboj („Službeni glasnik Grad Doboj“, broj : 1/17).

Razlog za donošenje ove Odluke je obaveza donošenja Programa korištenja sredstava od naknada za promjenu poljoprivrednog zemljišta u nepoljoprivredne svrhe na području grada Doboja, te namjenski utrošak prikupljenih sredstava po ovom osnovu.

Činjenica je da su se u toku 2020. godine po osnovu naknade za korištenje poljoprivrednog zemljišta u nepoljoprivredne svrhe, prikupila sredstva u iznosu od 199.204,00 KM , od kojih je u skladu sa Programom za 2021. godinu, realizovano 18.923,00 KM.

Preostali iznos nerealizovanih sredstava raspoloživ je za realizaciju planskih aktivnosti, po ovom osnovu u 2022. godini.

Na osnovu svega gore navedenog, predlaže se Skupštini Grada Doboj donošenje Odluke iz prijedloga.

OBRADIVAČ:

ODJELJENJE ZA POLJOPRIVREDU

PREDLAGAČ:

GRADONAČELNIK